




ԵԿԵՂԵՑԱԿԱՆ ԲԵՄ. ԼՈՒՐԵՐ

Փետրվարի 4-ին, ուրբաթ.—Այսօր Երևանում, հայրապետական վիլայում, Վեհափառ Հայրապետի նախագահությամբ տեղի է ունենում Գերագույն հոգևոր խորհրդի հերթական նիստը:

* *

Փետրվարի 6-ին, կիրակի.—Այսօր Մայր տաճարում ա. պատարագ է մատուցում Ռուսաստանի և Նոր Նախիջևանի առաջնորդական փոխանորդ տ. Տիրան վրդ. Կյուրեղյանը: «Հայր մեր»-ից առաջ քարոզում է Վեհափառ Հայրապետը ա. Սարգիս զորավարի տոնի առիթով՝ «Պատուական է առաջի Տեսն մահ սրբոց իրոց» (Սաղմոս ԾԺԵ 15) բնաբանով:

* *

Փետրվարի 8-ին, երեքշաբթի.—Այսօր հոգևոր ճեմարանի ուսանողությունը տեսչության ղեկավարությամբ եօրյա ձմեռային շրջապտույտի է մեկնում Աղվերան:

* *

Փետրվարի 18-ին, կիրակի.—Այսօր Մայր տաճարում հրաժեշտի պատարագ է մատուցում Անթիլիասի կաթողիկոսության միաբան տ. Անուշավան վրդ. Դանիելյանը, որը շուրջ երկու ամիս ուխտավորաբար գտնվում էր Մայր Աթոռում: «Հայր մեր»-ից առաջ քարոզում է Վեհափառ Հայրապետը՝ «Եթե բ. ծարաի իցէ, եկեցէ առ իս եւ արբցէ» (Հովն. Է 37) բնաբանով:

* *

Փետրվարի 18-ին, կիրակի.—Այսօր Մայր տաճարում, երեկոյան ժամասացությունից հետո, կատարվում է Տեառնընդառաջի նախատոնակ և անդաստան Վեհափառ Հայրապետի հանդիսադրությամբ:

Նույն օրը, երեկոյան ժամը 19.30-ին, հոգևոր ճեմարանի մարզադաշտում, Մայր Աթոռի միաբանության, հոգևոր ճեմարանի դասախոսների և ուսանողների ծախերի տակ Վեհափառ Հայրապետը վառում է Տեառնընդառաջի ավանդական խարույկը: Ժամը 19-ին Վեհափառ Հայրապետը վա-

նական սեղանատանը, օրվա մեծ տոնի առիթով, բարեհաճում է Իրեն սեղանակից դարձնել սիաքանության անդամներին, հոգևոր ճեմարանի դասախոսական կազմին և ուսանողությանը:

Փետրվարի 14-ին, երկուշաբթի.—Տեառն-բնդուող, տօն քառասնօրեայ գալստեանն Քրիստոսի ի տաճարն.

Այսօր Մայր տաճարում ա. պատարագ է մատուցում տ. Հովհաննես ավագ քին. Մարտիանը:

Փետրվարի 16-ին, չորեքշաբթի.—Այսօր Մայր տաճարում, երեկոյան ժամասացությունից հետո, կատարվում է սուրբ Վարդանանց նախատոնակը՝ նախագահությամբ լուսարարապետ տ. Հուսիկ եպս. Սանթրոյանի:

Փետրվարի 20-ին, կիրակի.—Բուն բաբեկենդան:

Այսօր Մայր տաճարում, փակ խորանի առջև, ա. պատարագ է մատուցում տ. Թորգոմ վրդ. Մուշեղյանը: «Հայր մեր»-ից ա-

ռաջ, օրվա խորհրդի առթիվ, բարոգում է տ. Անուշավան վրդ. Դանիելյանը՝ «Ընդ Ջրիստոսի պահելով յաղթող լիցուք գործողին եւ ընդ հրեշտակս երգեսցուք փառք ի բարձունս Աստուծոյ» (շարական) բնաբանով:

Փետրվարի 24-ին, հինգշաբթի.—Այսօր, երեկոյան ժամը 19-ին, հոգևոր ճեմարանի հանդիսությանց դահլիճում, ճեմարանի ուսանողների և սիաքանության համար, «Աստրական աղբյուրները հայերի և Հայաստանի մասին» թեմայով իր երկրորդ դասախոսությունն է կարդում Երևանի պատմության ինստիտուտի գիտաշխատող, պատմական գիտությունների թեկնածու Հայկ Մելքոնյանը:

Փետրվարի 27-ին, կիրակի.—Արտաքրահան կիրակի.

Այսօր Մայր տաճարում, փակ խորանի առջև, ա. պատարագ է մատուցում տ. Նշան քին. Բեյերյանը: «Հայր մեր»-ից առաջ բարոգում է Վեհափառ Հայրապետը՝ «Արդ եղերուք դուք կատարեալք, որպէս եւ Հայրն ձեր երկնատր կատարեալ է» (Մատթ. Ե 48) բնաբանով:

